



Kamis, 07 September 2022
Ogen: Daniel 1:17-21



Tuhan Nambahi Pemeteh



Nai-nai nari pemeteh enda iakap penting, seh maka sempat lit kuan-kuan ngatakenca "*berguru sampai ke negeri Cina*". Kepeken ban ergana pemeteh dengen kepentaren e idarami ku japa pe, janah i japa pe kepe lit pemeteh e adi tutus ateta erlajar. Pemeteh ras kepentaren e nilahken kita i bas cilaka, mpeganjangken posisi ras kehaganta i lebe jelma si nterem bagepe arah litna pemeteh maka kegeluhenta enda erguna man kalak sideban. Jadi salah nge adi lit kalak nggo akapna bias pemetehna bage-bage saja ras la nggit tole erlajar.

Kitab Pengerana i bas tampuk tulisenna ngataken maka mbue erlajar ngelatihi daging, tapi enda labo gelah kita lanai nggit erlajar. Kata-kata Pengerana e ngajaraken kita maka adi si darami ras ernalem ku bas kepentaren doni enda latihan ngenca sidat, tapi pemeteh sirehna bas Tuhan nari, pasti mereken gegeh, dolat ras kuasa sierbahanca kita mulia i lebe-lebe manusia bagepe metunggunng iadep-adepen Tuhan.

Bageme kesaksin Daniel, Sadrakh, Mesakh ras Abednego. Selaku kalak Jahudi amin gia i bas kuta kalak, i bas pembuangan, la bene jatidiri ras kebiakenna selaku bangsa Tuhan. Kepatuhenna man Taurat erbahanca merincuh ia ngoge kerina buku, piah enggo melala datca pemeteh, jenari itambahkan Tuhan man bana talenta nguna ngantusi nipi ras pengenehenen. Engkai maka ibereken Tuhan tambahen talenta e man bana, sabap enggo teridah ia bertanggungjawab ras murah goyah arah ajuken kedonin. Tuhan nambahi pemeteh man anak perana si tutus e, seh maka raja pe kagum nandangi pemetehna e. Ulihna, kalak buangen, bangsa budak banci berjaya erdahin bas istana raja. Emaka mari tutus ngoge pustaka ras ngoge buku sidebanna, gelah tambah pemetehna tambah ergunana kehadirenta bas doni enda.